

Хавф ва қўрқув маъносидаги оятлар | Тазкия дарслари (255-дарс)

ТАЗКИЯ
255-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 11.11.2023 1698

Аллоҳ таоло шундай деб марҳамат қилади:

يُؤْتِكُمْ بَرَسُؤْلِهِ، وَءَامِنُوا اللّٰهَ اتَّقُواْ ءَامَنُواْ الَّذِيْنَ يَأْتِيهَا

لَكُمْ وَيَغْفِرْ بِهِ، تَمْشُونَ نُورًا لَّكُمْ وَيَجْعَل رَّحْمَتِهِ، مِنْ كَفَلَيْنِ

رَّحِيمٌ غَفُورٌ وَاللّٰهُ

«Эй иймон келтирганлар! Аллоҳга тақво қилинглр ва Унинг Расулига иймон келтиринглр. У Зот Ўз раҳматидан сизларга икки ҳисса беради ва юришингиз учун нур беради ҳамда сизларни мағфират қилади. Аллоҳ ўта мағфиратлидир, ўта раҳмлидир» (Ҳадид сураси, 28-оят).

Иймон келтиргач, албатта тақво ҳам қилиш керак. Тақвосиз иш битмайди.

Шунингдек, Аллоҳга иймон келтириб, У Зотга тақво қилишнинг зимнида У Зотнинг Расули Муҳаммад алайҳиссаломга иймон келтириш ҳам бор, бусиз мутлақо мумкин эмас.

Агар ким Аллоҳга иймон келтириб, У Зотга тақво қилиб ва У Зотнинг Расули Муҳаммад алайҳиссаломга иймон келтирса, унга Аллоҳ таоло мукофот беради.

«У Зот Ўз раҳматидан сизларга икки ҳисса беради ва юришингиз учун нур беради ҳамда сизларни мағфират қилади. Аллоҳ ўта мағфиратлидир, ўта раҳмлидир»

Демак, ундай кишига Аллоҳ таоло Ўз раҳматидан бир ҳисса эмас, икки ҳисса берар экан.

«...ва юришингиз учун нур беради...»

Бу неъмат Аллоҳ таолонинг энг улкан неъматидир. Инсоннинг икки дунё саодат йўлига юриши учун жоҳилият зулматларини ёритувчи нури бўлиши ниҳоятда аҳамиятли ва зарурдир.

Аллоҳ таоло ана шундай нурни фақат Ўзига иймон келтириб, тақво қилган ва Расули Муҳаммад алайҳиссаломга иймон келтирганларга ваъда қилмоқда.

«...ҳамда сизларни мағфират қилади. Аллоҳ ўта мағфиратлидир, ўта раҳмлидир».

Бу ҳол ҳам Муҳаммад алайҳиссалом умматларининг бахтли ва бошқа умматлардан афзал эканига далолатдир.

Аллоҳ таоло таъкидлаб айтадики:

لَغَدِ قَدَمَتْ مَا نَفْسٌ وَلْتَنْظُرِ اللَّهُ اتَّقُوا ءَامَنُوا الَّذِينَ يَأْتِيهَا

تَعْمَلُونَ بِمَا خَيْرُ اللَّهِ إِنَّ اللَّهَ وَاتَّقُوا ١٨

«Эй иймон келтирганлар! Аллоҳга тақво қилингллар! Ҳар бир жон эртанги кун учун нима тақдим қилганига назар солсин. Аллоҳга тақво қилингллар! Албатта, Аллоҳ нима амал қилаётганингиздан ўта хабардордир» (Ҳашр сураси, 18-оят).

Ушбу оятда Аллоҳ таоло мўминларга улар учун маҳбуб бўлган нидо билан мурожаат қилиб, уларни Ўзига тақво қилишга чақирмоқда.

«Эй иймон келтирганлар! Аллоҳга тақво қилингллар!»

Аллоҳга тақво қилиш Ундан қўрқишдир. Аллоҳдан қўрқиш эса гуноҳ ишларни тарк этиш билан ва савоб ишларни кўплаб қилиш билан ҳосил бўлади.

«Ҳар бир жон эртанги кун учун нима тақдим қилганига назар солсин».

«Эртанги кун»дан мурод қиёмат. Қиёмат нисбатан жуда яқин вақт, шунинг учун ҳам у «эрта» дейилади. Демак, ҳар бир инсон қиёмат куни учун нима иш қилганини ўйлаб қўйиши керак. Албатта, қиёмат куни мол-дунё, мансаб, ҳасаб-насаб, ёр-дўст ёрдам бера олмайди, балки иймон, Ислому ва қилинган яхши амаллари ёрдам беради. Шунинг учун ҳар бир одам қиёматга тайёргарлигини кўриб қўйиши керак.

Оятнинг охирида Аллоҳ таоло яна бир бор тақвога буюради.

«Аллоҳга тақво қилингллар! Албатта, Аллоҳ нима амал қилаётганингиздан ўта хабардордир».

Бу таъкид тақвонинг ниҳоятда аҳамиятли эканини билдиради.

Шу билан бирга, Аллоҳ таоло ким тақво қилаётгани ва ким қилмаётганини билиб туриши ҳам таъкидланмоқда.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.